


十地經論


第一

二百十八
谷一

42937



British Library
Acquisition
Department



十地經論序

侍中崔光撰



谷

十地經者蓋是神覺之玄苑靈慧之妙宅億
善之基輿万度之綱統理苞群藏之秘義冠
衆典之奧積漸心行窮忍學之源崇廣任德
極道慧之府所以厚集肇慮朗成圓種離怖
首念赫爲雷威其爲教也微密精遠究淨照
之宗融冶瑩練盡性靈之妙自寂場啓旭固
林輟暉雖復聖訓充感金言滿世而淵猷冲
蹟莫不網羅於其中矣至于光宣真軌融暢
玄門始自信仁終泯空寂因果旣周化業弥
顯嘿耀大方影煖八極豈直日月麗天洞燭

千象溟壑帶地混納百川而已哉既理富瀛
岳局言靡測廓明洪旨寔係淵儒比天竺大
士婆藪槃豆魏云天親挺高悟於像運拔英
規於季俗故能徽蹤馬鳴繼迹龍樹每恨此
經文約而義豐言迹而旨遠乃超然遐慨邈
介悠想慕釋迦之餘範追剛藏之遺軌誠復
歲踰五百處非六天人梵乖遼正像差迫而
妙契環中神協靡外通法貫玄莫愧往列遂
乃准傍大空爰製茲論發趣精微根由眷哲
旨奧音殊宣譯俟賢固以義囑中興時憑聖
代大魏皇帝携神天凝玄情漢遠揚治風於
宇縣之外敷道化於千載之下每以佛經為

遊心之場釋典爲捫照之囿搜隱訪缺務乎
照揚有教必申無藉不備以永平元年歲次
玄枵四月上日命三藏法師北天竺菩提留
支魏云道希中天竺勒那摩提魏云寶意及
傳譯沙門北天竺伏陀扇多并義學緇儒一
十餘人在太極紫庭譯出斯論十有餘卷斯

二三歲並以邁俗之量高步道門群藏淵部
罔不研攬善會地情妙盡論旨皆手執梵文
口自敷唱片辭隻說辯詣憊遺于時皇上親
紆玄藻飛翰輪首臣遼僧徒毗贊下風四年
首夏翻譯周訖洋洋疊疊莫得其門義富趣
玄熟去窺測剛藏妙說更興於像世天親玄

旨再光於季運忝廁末筵敢竊祗記
十地經論卷第一

天親菩薩造

元魏三藏法師 菩提留支譯

初歡喜地第一之一

說此法門者 及諸勸請法

分別義藏人

受持流通等

法門等最勝

頂禮解妙義

欲令法久住

自利利他故

十地法門初地所攝八分一序分二三昧分
三加分四起分五本分六請分七說分八按
量勝分

如是我聞一時娑伽婆成道未久第二七日
在他化自在天中自在天王宮摩尼寶藏殿

與大菩薩衆俱一切不退轉皆一生得阿耨
多羅三藐三菩提從他方佛世界俱來集會
此諸菩薩一切菩薩智慧境界悉得自在一
切如來智慧境界悉皆得入勤行不息善能
教化一切世間隨時普示一切神通等事於
剎那中皆能成辦具足不捨一切菩薩所起
大願於一切世一切劫一切國土常修一切
諸菩薩行具足菩薩福德智慧如意神足而
無窮盡能爲一切而作饒益能到一切菩薩
智慧方便彼岸能令衆生背世間道向涅槃
門不斷一切菩薩所行善遊一切菩薩禪定
解脫三昧神通明慧諸所施爲善能示現一

切菩薩無作自在如意神足皆悉已得於一
念頃能至十方諸佛大會勸發諮請受持一
切諸佛法輪常以大心供養諸佛常能修習
諸大菩薩所行事業其身普現無量世界其
音遍聞無所不至其心通達明見三世一切
菩薩所有功德具足修習如是諸菩薩摩訶
薩功德無量無邊於無數劫說不可盡
其名曰金剛藏菩薩寶藏菩薩蓮華藏菩薩
勝藏菩薩蓮華勝藏菩薩日藏菩薩月藏菩
薩淨月藏菩薩照一切世間莊嚴藏菩薩智
慧普照明藏菩薩妙勝藏菩薩栴檀勝藏菩
薩華勝藏菩薩俱素摩勝藏菩薩優鉢羅華

勝藏菩薩天勝藏菩薩福德勝藏菩薩無閼
清淨智藏菩薩功德藏菩薩那羅延德藏菩
薩無垢藏菩薩離垢藏菩薩種種樂說莊嚴
藏菩薩大光明網照藏菩薩淨明勝照威德
王藏菩薩大金山淨光明威德王藏菩薩一
切相莊嚴淨勝藏菩薩金剛炎勝鬘相莊嚴
藏菩薩炎熾藏菩薩宿王光照藏菩薩虛空
庫無閼智藏菩薩無閼妙音遠藏菩薩陀羅
尼功德持一切世間願藏菩薩海莊嚴藏菩
薩須彌勝藏菩薩淨一切功德藏菩薩如來
藏菩薩佛勝藏菩薩解脫月菩薩如是等菩
薩摩訶薩無量無邊阿僧祇不可思議不可

稱不可量無有分齊不可說不可說種種像
國土集金剛藏菩薩而為上首

論曰時處等校量顯示勝故此法勝故在於
初時及勝處說此處宮殿等勝是名處勝何
故不色界說此處感果故何故不初七日說
思惟行因緣行故本為利他成道何故七日

思惟不說顯示自樂大法樂故何故顯示法
樂為令衆生於如來所增長愛敬心故復捨
如是妙樂悲愍衆生為說法故何故唯行因
緣行是因緣行顯示不共法故何故菩薩說
此法門為令增長諸菩薩力故何故唯金剛
藏說一切煩惱難壞此法能破善根堅實猶

如金剛故不異名說何故名金剛藏藏即名
堅其猶樹藏又如懷孕在藏是故堅如金剛
如金剛藏是諸善根一切餘善根中其力最
上猶如金剛亦能生成人天道行諸餘善根
所不能壞故名金剛藏已說序分次說三昧分
經曰今時金剛藏菩薩摩訶薩承佛威神入
菩薩大乘光明三昧

論曰入三昧者顯示此法非思量境界故已
說三昧分次說加分

經曰今時金剛藏菩薩入是菩薩大乘光明
三昧即時十方過十億佛土微塵數等諸佛
世界有十億佛土微塵數諸佛皆現其身同

名金剛藏是諸佛如是讚言善哉善哉金剛
藏乃能入是菩薩大乘光明三昧復次善男
子如是十方十億佛土微塵數等諸佛皆同
一号加汝威神此是盧舍那佛本願力故加
論曰何故多佛加顯法及法師增長恭敬心
故何故同号金剛藏加本願力故何故如來
作如是願顯示多佛故此三昧是法體本行
菩薩時皆名金剛藏同說此法今成正覺亦
名金剛藏故不異名加又是菩薩聞諸如來
同己名已增踊悅故何故不言過無量世界
方便顯多佛故何故定言十億佛土爲說十
地故此經如是多說十數彼佛先作是願今

復自加後餘佛加故言盧舍那佛本願力故
加何故加爲說此法故加復云何加

經曰又一切菩薩不可思議諸佛法明說今
入智慧地故攝一切善根故善分別選擇一
切佛法故廣知諸法故善決定說諸法故無
分別智清淨不雜故一切魔法不能染故出

世間法善根清淨故得不可思議智境界故
乃至得一切智人智境界故又得菩薩十地
始終故如實說菩薩十地差別方便故令隨
順一切佛法故觀達分別無漏法故善擇大
智慧光明方便故令入具足智門故隨所任
處正說無畏辯才明故得大無礙智地故憶

念不忘菩提心故教化成就一切衆生界故
得通達分別一切處法故

論曰此二十句依一切菩薩自利利他故加
如是初十句依自利行後十句依利他行是
中一切菩薩者謂住信行地不可思議諸佛
法者是出世間道品明者見智得證說者於
中分別入者信樂得證智慧地者謂十地智
如本分中說此是根本入如經又一切菩薩
不可思議諸佛法明說令入智慧地故此修
多羅中說依根本入有九種入一者攝入聞
慧中攝一切善根故如經攝一切善根故二
者思義入思慧於一切道品中智方便故如

經善分別選擇一切佛法故三者法相入彼
彼義中無量種種知故如經廣知諸法故四
者教化入隨所思義名字具足善說法故如
經善決定說諸法故五者證入於一切法平
等智見道時中善清淨故如經無分別智清淨
不雜故菩薩教化衆生即是自成佛法是故

十地論卷

利他亦名自利六者不放逸入於修道時中
遠離一切煩惱障故如經一切魔法不能染
故七者地地轉入出世間道品無貪等善根
淨故如經出世間法善根清淨故復有善根
能爲出世間道品因故八者菩薩盡入於第
十地中入一切如來秘密智故如經得不可

思議智境界故九者佛盡入於一切智入智
故如經乃至得一切智入智境界故是諸入
爲校量智義差別次第轉勝非根本入一切
所說十句中皆有六種差別相門此言說解
釋應知除事事者謂陰界入等六種相者謂
摠相別相同相異相成相壞相摠相者是根
本入別相者餘九入別依止本滿彼本故同相
者入故異相者增相故成相者略說故壞相
者廣說故如世界成壞餘一切十句中隨義類
知第二十句所謂得菩薩十地始終故此根
本始終是中始者信欲親近等終者念持諸
地復有阿含及證如是次第依初相應知依

根本始終有十種始終一者攝始終思慧智
隨所聞義受持說故如經如實說菩薩十地
差別方便故二者欲始終令證一切佛法故
如經念隨順一切佛法故三者行始終觀分
時中無漏道品分別修相覺故如經觀達分
別無漏法故四者證始終見道時中法無我
智方便故如經善擇大智慧光明方便故是
中善擇者擇中最勝最勝者法無我智故大
智慧者過小乘故光明者對治無明故此事
中彼時中皆善知故五者修道始終出世間
智智力得入法義故如經令入具足智門故
此處菩薩於菩提有五種障一者不能破諸

邪論障已說正義他言能壞復眷屬離散二
者不能答難障於他問中茫然無對設有言
說人不信受三者樂著小乘障自不能得大
菩提復捨利益衆生四者化衆生懈怠障於
中捨利他行不助他善復自善根不增長故
五者無方便智障不能善化衆生復自菩提
行不滿足故對治是障有五始終一者能破
邪論障始終隨彼所著顯已正義對治邪執
無畏辯才性不闇故如經隨所任處正說無
畏辯才明故二者能善答難始終證大無礙
智地故如經得大無礙智地故三者樂著小
乘對治始終大菩提願大菩提念不忘失故

如經憶念不忘菩提心故四者化衆生懈怠
對治始終利益衆生無疲倦故如經教化成
就一切衆生界故五者無方便智對治始終
於五明處通達分別故如經通達分別一切
處法故已說何故加復云何加謂口意身加
云何口加

經曰復次善男子汝當辯說此諸法門差別
方便法故承諸佛神力如來智明加故自善
根清淨故法界淨故饒益衆生界故法身智
身故正受一切佛位故得一切世間最高大
身故過一切世間道故出世間法道清淨故
得一切智人智滿足故

論曰此十句中辯才者隨所得法義憶持不
忘說故諸法門者謂十地法差別者種種名
相故此法善巧成是故名方便依根本辯才
有二種辯才一者他力辯才二者自力辯才
他力辯才者承佛神力故云何承佛神力如
來智力不闇加故如經承諸佛神力如來智

明加故自力辯才者有四種一者有作善法
淨辯才如經自善根清淨故二者無作法淨
辯才如經法界淨故三者化衆生淨辯才如
經饒益衆生界故四者身淨辯才是身淨中
顯三種盡一者菩薩盡有二種利益二者聲
聞辟支佛不同盡三者佛盡菩薩盡者法身

離心意識唯智依止如經法身智身故二種
利益者現報利益受佛位故後報利益摩醯
首羅智處生故如經正受一切佛位故得一
切世間最高大身故二乘不同盡者度五道
復涅槃道淨故如經過一切世間道故出世
間法道清淨故佛盡者入一切智智滿足故
如經得一切智人智滿足故自力辯才校量
轉勝上上故已說口加云何意加
經曰今時諸佛與金剛藏菩薩真實無畏身
與無障礙樂說辯才與善淨智差別入與善
憶念不忘加與善決定意方便與遍至一切
智處與諸佛不壞力與如來無所畏不怯弱

與一切智人智無礙分別法正見與一切如
來善分別身口意莊嚴起故

論曰此十句意加無畏身者有二種一者與
無二勝威德身如王處衆自在無畏二者與
辯才無畏身前色身勝後名身勝是名身有
九種一者不著辯才說法不斷無滯礙故如
經與無障礙樂說辯才故二者堪辯才善淨
堪智有四種一者緣二者法三者作四者成
善知此義成不成相故如經與善淨智差別
入故三者任放辯才說不待次言辭不斷處
處隨意不忘名義故如經與善憶念不忘加
故是不忘加意力加故四者能說辯才隨所

應度種種譬喻能斷疑故如經與善決定意
方便故五者不雜辯才三種同相智常現前
故如經與遍至一切智處故六者教出辯才
得佛十力不壞於可度者令斷煩惱故如經
與諸佛不壞力故七者不畏辯才得佛決定
無畏於他言說不怯弱故如經與如來無所
畏不怯弱故八者無量辯才於一切智隨順
宣說修多羅等法六種正見故如經與一切
智人智無礙分別法正見故九者同化辯才
得一切佛無畏身等三種教化隨所度者顯
示殊勝三業神化故如經與一切如來善分
別身口意莊嚴起故又諸佛有力有慈悲何

故以十種無畏身唯加金剛藏而不加餘者
經曰何以故以得菩薩大乘光明三昧法故
亦是菩薩本願起故善淨深心故善淨智圓
滿故善集助道法故善修本業故念持無量
法故信解清淨光明法故善得陀羅尼門不
壞故法界智印善印故

論曰以是菩薩得大乘光明三昧法餘者不
得故得三昧法有二種一者本願成就現前
故如經亦是菩薩本願起故二者三昧身攝
功德故此三昧身攝功德有八種依自利利
他故一者因淨深心趣菩薩地盡清淨故如
經善淨深心故深心者信樂等復是一切善

法根本故二者智淨趣菩薩地盡修道真如
觀智故如經善淨智圓滿故此真如觀內智
圓滿普照法界猶如日輪光遍世界故三者
身轉淨生生轉勝善行成滿故如經善集助
道法故四者心調伏淨善斷煩惱習故如經
善修本業故五者聞攝淨堪能受持一切如
來所說秘密法故如經念持無量法故六者
通淨得勝通自在故如經信解清淨光明法
故以決定信力攝取通故七者辯才淨善知
陀羅尼門不相違故如經善得陀羅尼門不
壞故於中所有初章字者是陀羅尼門一一
字門攝持無量名句字身故不壞者前後不

相違故八者離慢淨謂真實智教授不異故
如經法界智印善印故於中三昧身攝功德
有四種依自利因善淨深心故善淨智圓滿
故善集助道法故善修本業故此修多羅中
四句次第說精進因不忘因勢力因彼不染
因復依利他因有四種念持無量法故斷疑
因信解清淨光明法故敬重因以神通力示
現不思議處令諸見者決定信入故善得陀
羅尼門不壞故轉法理因法若壞時假餘尊
法誦持故法界智印善印故教授出離因如
是化者得自利不忘故已說意加去何身加
摩頂覺故

經曰今時十方諸佛不離本處以神通力皆
申右手善摩金剛藏菩薩摩訶薩頂

論曰不離本處而摩此者顯示殊勝神力若
來此處則非竒異是如意通力非餘通等已
說加分云何起分

經曰諸佛摩金剛藏菩薩頂已今時金剛藏
菩薩即從三昧起

論曰即從三昧起者以三昧事訖故又得勝
力說時復至定無言說故已說起分云何本分
經曰起三昧已告諸菩薩言諸佛子是諸菩
薩願善決定無雜不可見廣大如法界究竟
如虛空盡未來際護一切衆生界佛子是

諸菩薩乃能入過去諸佛智地乃能入未來
諸佛智地乃能入現在諸佛智地諸佛子此
菩薩十地是過去未來現在諸佛已說今說
當說我因是事故如是說何等爲十一名歡
喜地二名離垢地三名明地四名炎地五名
難勝地六名現前地七名遠行地八名不動
地九名善慧地十名法雲地諸佛子此菩薩
十地過去未來現在諸佛已說今說當說佛
子我不見有諸佛世界是諸如來不嘆說此
菩薩十地者何以故此是菩薩摩訶薩增上
勝妙法故亦是菩薩光明法門所謂分別十
地事諸佛子是事不可思議所謂菩薩摩訶

薩諸地智慧

論曰何故不請而說若不自說衆則不知爲說不說又復不知欲說何法願善決定者如初地中說發菩提心即此本分中願應知善決定者真實智攝故善決定者即是善決定此已入初地非信地所攝此善決定有六種一者觀相善決定真如觀一味相故如經無雜故二者真實善決定非一切世間境界出世間故如經不可見故三者勝善決定大法界故一切佛根本故如經廣大如法界故大勝高廣一體異名法相義故一切法法尔故復法界大真如觀勝諸凡夫二乘智等淨法

法亦故復法界大方便集地謂說大乘法法
亦故復法界大白法界善法法亦故四者因
善決定有二種一成無常愛果因善決定是
因如虛空依是生諸色色不盡故如經究竟
如虛空故二常果因善決定得涅槃道如經
盡未來際故五者大善決定隨順作利益他
行如經覆護一切衆生界故次前善決定此
願世間涅槃中非一向住故六者不怯弱善
決定入一切諸佛智地不怯弱故如經佛子
諸菩薩乃至入現在諸佛智地故復此十地
生成佛智住持故如經諸佛子是此菩薩十
地是過去未來現在諸佛已說今說當說故

於中善決定者是摠相餘者是別相同相者
善決定異相者別相故成相者是略說壞相
者廣說故如世界成壞何故定說菩薩十地
對治十種障故何者十障一者凡夫我相障
二者邪行於衆生身等障三者闇相於聞思
修等諸法忘障四者解法慢障五者身淨我
慢障六者微煩惱習障七者細相習障八者
於無相有行障九者不能善利益衆生障十
者於諸法中不得自在障何故十地初名歡
喜乃至十名法雲成就無上自利利他行初
證聖處多生歡喜故名歡喜地離能起誤心
犯戒煩惱垢等清淨戒具足故名離垢地隨

聞思修等照法顯現故名明地不忘煩惱薪
智火能燒故名炎地得出世間智方便善巧
能度難度故名難勝地般若波羅蜜行有聞
大智現前故名現前地善修無相行功用究
竟能過世間二乘出世間道故名遠行地報
行純熟無相無間故名不動地無礙力說法
成就利他行故名善慧地得大法身具足自
在故名法雲地如是受法王位猶如太子於
諸王子而得自在是處有微智障故不自在
對治此障故說佛地又如孕在藏菩薩十地
亦復如是以諸地有障故如子生時佛時亦
亦事究竟故又如生時諸根覺了佛亦如是

於一切境界智明了故截有十時一者陀羅
婆身時二者押羅婆身時三者尸羅他身時
四者堅身時五者形相似色身時六者性相
似身時七者業動身時八者滿足身時於中
有三種根滿足時男女相別滿足時廣長諸
相滿足時如是十時諸地相似故佛子我不
見有諸佛世界是諸如來不嘆說此菩薩卞
地者顯此勝法爲令時衆增渴仰故佛世界
者於中成佛喻如稻田往作佛事者亦名佛
世界歎說者於中有二種一者爲說阿含義
二者爲證入義摩訶薩者有三種大一願大
二行大三利益衆生大勝妙法者諸法門中

最殊勝故光明者此大乘法顯照一切餘法
門故法門者名爲法故分別十地事者顯示
世間智所知法故是事不可思議所謂菩薩
摩訶薩諸地智慧者顯示出世間智故此非
世間分別地智能成菩薩清淨道故已說本
分云何請分

經曰今時金剛藏菩薩說諸菩薩十地名已
嘿然而住不復分別是時一切菩薩衆聞說
菩薩十地名已咸皆渴仰欲聞解說各作是
念何因何緣是金剛藏菩薩說諸菩薩十地
名已嘿然而住不更解釋時大菩薩衆中有
菩薩名解脫月知諸菩薩心深生疑已即以

偈頌問金剛藏菩薩曰

何故淨覺人

念智功德具

說諸上妙地

有力不解釋

決定此一切

菩薩大名稱

何故說地名

而不演其義

此眾皆樂聞

佛子智無畏

如是諸地義

願為分別說

此眾皆清淨

離懈怠嚴淨

安住堅固中

功德智具足

迭共相瞻住

一切咸恭敬

如蜂欲熟蜜

如渴思甘露

論曰何故嘿然任欲令大眾渴仰請說故復

增菩薩尊敬法故何故解脫月菩薩初請彼

眾上首故餘問則亂眾調伏故何故偈頌請

少字攝多義故諸讚嘆者多以偈頌故此五

偈說何等義顯示說者聽者無諸過故若有
過者則不應說是中顯示說者淨覺無過故
復顯聽者同法決定故有樂聞故復示餘者
淨心故又顯此眾皆堪聞法故偈言迭共相
瞻任故云何嘆說者偈言

何故淨覺人

念智功德具

說諸上妙地

有力不解釋

何故唯嘆淨覺淨覺是說因故覺名覺觀是
口言行有淨說因何故不說嘆淨覺有二種
一攝對治二離諸過是中念智具者攝對治
故所治有二種一者雜覺二者雜覺因憶想
分別故念者四念處對治雜覺故智者真如

無相智對治雜覺因憶想分別故餘者顯示
離諸過是過有三種有三過者則不能說何
者爲三一慳嫉二說法懈怠三不樂說慳者
其心悋法嫉者忌他勝智功德具者不瞋等
功德具示無初過故說上地者示無第二過
故有力者示無第三過故如是二種淨覺嘆
說者已次嘆聽者偈言
決定此一切 菩薩大名
稱 何故說地名

而不演其義

決定者點慧明了故決定有三種一上決定
願大菩提故二名聞決定他善敬重故三攝
受決定彼說者善知故偈言菩薩故大名
稱

故說地名故如是次第應知雖有決定堪受
法器心不欲聞亦不得說偈言

此衆皆樂聞 佛子智無畏 如是諸地義
願爲分別說

決定者是有阿含決定非證決定有非現
前決定無現前決定如是決定法器不滿足
故不能聽受示現此衆具足決定故能聽受
偈言佛子智無畏故智有二種一證法故二
現受故如是善知法器滿足請金剛藏如是
諸地義願爲分別說已嘆同法衆決定樂聞
功德次復嘆異衆偈言

此衆皆清淨 離懈怠嚴淨 安住堅固中

功德智具足

清淨者不濁故濁有六種離此諸濁故言清淨何者爲六一不欲濁二威儀濁三蓋濁四異想濁妬勝心破壞心故五不足功德濁善根微少故是故於彼說中心不樂住六癡濁謂愚闇等故此對治有六種不濁安住堅固者於所說法修行堅固如是次第相對離懈怠者對不欲濁嚴者對威儀濁淨者對蓋濁堅固者對異想濁功德具者對不足功德濁智具者對癡濁此六句示現是二偈顯同生衆淨次一偈顯異生衆淨後一偈顯二衆清淨偈言

迭共相瞻住 一切咸恭敬 如蜂欲熟蜜

如渴思甘露

迭共相瞻者示無雜染心故咸恭敬者示敬重法非妬心故下半偈喻敬法轉深此偈迭共相瞻是揔相一切咸恭敬是別相如是餘偈初句揔相餘句別相同異成壞如上所說

偈言

大智無所畏

金剛藏聞已

欲令大眾悅

即時說頌言

難第一希有

菩薩所行示

地事分別上

諸佛之根本

微難見離念

非心地難得

境界智無漏

若聞則迷悶

持心如金剛

深信佛智慧

心地無我智

能聞智微細

如綵畫虛空

如虛空風相

智如是分別

難見佛無漏

我念佛智慧

第一世難知

難信希有法

是故我嘿然

論曰此初偈中欲令大眾悅是揔正訓答相

訓答有二種一堪訓答二不怯弱訓答偈言

大智故無所畏故離不堪答離不正答此二

示現自他無過故何者是正答相此法難說

復難聞故云何難偈言

難第一希有

菩薩所行示

地事分別上

諸佛之根本

難者難得故難有二種一最難二未曾有難

偈言第一故希有故此二示現所說難何者

是難偈言菩薩所行示地事分別上菩薩行者是出世間智示者顯示故地事者謂諸地菩薩行事分別上說勝故何者菩薩行偈言諸佛之根本佛者覺佛智故已說難說復說所以難何者是難彼菩薩行事義任不可如是說云何彼義任偈言

微難見離念

非心地難得

境界智無漏

若聞則迷悶

此偈中難得者是揔餘者是別難得者難證故是難得有四種一微難得二難見難得三離念難得四非心地難得微難得者非聞慧境界故麁事不須思惟難見難得者非思慧

境界故離念難得者非世間修慧境界故示
現三界心心數法分別世間修道智非境界
故非心地難得者示現報生善得修道智非
境界故此示現心境界者是心地此誰境界
偈言智境界何者是智見實義故何故非餘
境界無漏故無漏者出世間義是義非世間
智境界如是甚深義如是可解如是不可說
若聞則迷悶者云何迷悶隨取即聞非是不
聞已辯說復顯難聞偈言

持心如金剛 深信佛智慧 心地無我智
能聞智微細

如金剛者堅如金剛堅有二種一決定信堅

二證得堅此二句示現堅者是摠餘者是別
云何深信佛智慧唯佛所知非我境界佛菩
提無邊佛化衆生所說法門種種信故何者
是心地云何無我智心地者隨心所受三界
中報又隨心所行一切境界亦名心地無我
智者有二種我空法空如實知故能聞智微
細者難知如是微細如前所說復以譬喻顯
微細義偈言

如彩畫虛空 如虛空風相 智如是分別
難見佛無漏

此偈示現如空中畫色如壁是中不住故不
可見如空中風如樹葉是中不住故不可見

此動作者非不空中有是二事如是虛空處
事不可說處是盡風如說以非自性不可得
見是不住故以其容故非不於中有此言說
如是佛智言說顯示地校量勝分別難見盡
者喻名字句身何以故依相說故風者以喻
音聲說者以此二事說聽者以此二事聞若

如是可說如是可聞如是難見何故不說

我念佛智慧 第一世難知 難信希有法

是故我嘿然

難知者難證故難信者難生決定心故此偈
示現有證有信可說可聞世間難得證信故
我不說

經曰余時解脫月菩薩聞說此已請金剛藏
菩薩言佛子是大菩薩善淨衆集善清淨深
心善清淨諸念善集諸行多親近諸佛善集
助道法具足無量功德離癡疑悔無有染汙
善住深心信於佛法中不隨他教善哉佛子
敷演此義是諸菩薩於是深法皆能證知
論曰聖者解脫月何故復嘆此衆上言世間
證信者難得示現此衆有堪能故善淨深心
者是摠此善淨深心有二種一阿含淨二證
淨是阿含淨有五種一者欲淨隨所念阿含
得方便念覺淨如經善清淨諸念故二者求
淨得隨順身口敬行如經善集諸行故三者

受持淨於無量世多聞憶持不謬故如經多
親近諸佛故四者生得淨願得上上生勝念
勝如經善集助道法故五者行淨求善證法
習少欲頭陀等成就多功德如經具足無量
功德故證淨者有四種一者得淨現智善決
定故如經離癡疑悔故二者不行淨修道中
一切煩惱不行故如經無有染汙故三者無
厭足淨不樂小乘得上勝希望心如經善任
深心信故深心者希欲故信者決定故復念
持彼功德故四者不隨他教淨趣盡道中自
正行故如經於佛法中不隨他教故
經曰尔時金剛藏菩薩言佛子雖此菩薩衆

善清淨深心善清淨諸念善集諸行多親近
諸佛善集助道法具足無量功德離癡疑悔
無有染汙善住深心信於佛法中不隨他教
其餘樂小法者聞是甚深難思議事多生疑
惑是人長夜受諸無利衰惱我愍此等是故
嘿然

論曰是聖者金剛藏領彼解脫月菩薩所嘆
衆清淨功德已於所說法中不見法器聞增
疑惑是故不說於一法中有二種過疑者正
行相違猶豫義故惑者心迷義故能壞善法
遠離善法故如是顯示不受行因受行退因
經曰尔時解脫月菩薩請金剛藏菩薩言善

哉佛子重請此事願承佛神力善分別此不可思議法佛所護念事令人易信解所以者何善說十地義十方諸佛法應護念一切菩薩護是智地勤行方便何以故此是菩薩最初所行成就一切諸佛法故佛子譬如一切書字數說皆初章所攝初章爲本無有書字數說不入初章者如是佛子十地者是一切佛法之根本菩薩具足行是十地能得一切智慧是故佛子願說此義諸佛護念加以神力令人信受不可破壞

論曰聖者解脫月何故復重請示彼疑惑此不可避若不說者有多過咎不得成就一切

佛法故以是義故重請金剛藏菩薩若諸佛
有力能令生信何故衆生於彼法中猶起謗
意有二種定一感報定二作業定此二種定
諸佛威力所不能轉最初所行者依阿含行
故成就一切佛法者謂是證智書者是字相
如嘶字師子形相等字者惡阿等音數者名

各
十
七
論
卷

句此二是數義說者是語一切書字數說等
皆初章爲本

經曰尔時諸菩薩衆一時同聲以偈頌請金
剛藏菩薩言

上妙無垢智

堪無量義辯

演說美妙言

真實義相應

念堅清淨慧

爲十力淨心

無礙分別義

說此十地法

定戒深正意

離我慢妄見

此眾無疑心

唯願聞善說

如渴思冷水

如飢思美食

如病思良藥

如眾蜂依蜜

我等亦如是

願聞甘露法

善哉清淨智

說勝地無垢

具十力無礙

盡說善逝道

論曰初偈嘆證力辯才成就第二偈上句嘆阿含力辯才成就以證力阿含力故能有所說是故讚嘆上者是摠又復上者顯證力辯才勝故嘆辯才有三種一真實智二體性三者果真實智者是無漏智勝聲聞緣覺智等偈言妙無垢智故體性者成就無量義辯才

偈言堪無量義辯故果者字義成就復是滑
利勝上字義成就偈言演說美妙言真實義
相應故第二偈上句嘆阿含力偈言

念堅清淨慧 爲十力淨心 無礙分別義
說此十地法

念堅者受持顯說故是菩薩於阿含中淨慧
無疑故如是嘆證力阿含力已次令聽者入
證入阿含是故請說云何入證已入地者今
得佛力故未入地者今得入地故偈言爲十
力故爲淨心故云何爲阿含無礙分別義今
受持十地法故如是嘆說者成就證力阿含
力已次復嘆衆堪受阿含及證力故偈言

定戒深正意

離我慢妄見

是衆無疑心

唯願聞善說

此偈中唯願者是捨唯願有二種一求阿含
二求正證有二種妄想不堪聞阿含一我二
慢以我慢故於法法師不生恭敬復有二種
妄想不堪得證一見二疑見者顛倒見故疑
者於不思議處不生信故妄者謂妄想見中
同使故有二種對治堪聞阿含一定二戒定
者心調伏故戒者善住威儀故次有二種對
治堪能得證一正見二正意正見者善思義
故正意者得歡喜故深者細意善思惟故復
以諸喻顯示大衆求法轉深偈言

如渴思冷水

如飢思美食

如病思良藥

如衆蜂依蜜

我等亦如是

願聞甘露法

此四喻者喻四種義門示現正受彼所說義何等爲四一受持二助力三遠離四安樂行此義云何如水不嚼隨得而飲如是聞慧初聞即受隨聞受持如食咀嚼身力助成如是思慧嚼所聞法智力助成如服良藥藥行除病如是具聞思慧隨順正義如法修行遠離一切煩惱習患如蜜衆蜂所依樂行住處如是聞思修慧果聖所依處現法愛味受樂行故如是讚嘆說者聽者請說已次嘆所說法利益咸皆共請偈言

善哉清淨智
盡說善逝道

說勝地無垢

具十力無礙

善哉者所說法中善具足故善哉有三種一
所依二體性三果所依者謂淨慧體性者謂
說諸地未曾說法勝地者地校量勝無垢者
說不違義違義說者有三種垢一者倒說二
謗如來三誑聞者果者謂具十力無障礙佛
菩提故如是請已猶故不說何故不說請不
滿故

十地經論卷第一

谷

莛紆阮反 莛作苑字 正舉 余預 苞必交 冠衆 上音 塵趙音

赫許客反 融冶 上音 野反 瑩烏定 旭許玉反 輟劣知

淵烏懸反 猷音 冲蹟 上助 革弓反 泯米忍反 嘿默

二同 煥音 濱瑩 上呼 各反 瀛余成 靡蒭 彼廓

苦郭 藪音 挺亭頂反 徽暉音 慨苦代反 邈眉角反 悠想

由音 範犯音 軌俱水反 遼郎彫反 協音 眷哲 上俞 隼隼

俊二同 子問 疑魚陵反 又囿 右音 搜搜 二藉 亦志

反玄 榜子下 許嬌 反號 壬悒 音緇 儒上 庭遮 二同

正邁 莫敗 研攬 上宜 牽反 蔑莫結反 藻藻 上音 早王

翰音 臣僚 下郎 齎音 窺傾 弥廁 去初使反

岸正作 闕尋 二與 炎焯 分齊 二字 並孕 余證

反踴 踊用 二同 茫然 上音 醯呼 号迭 反徒 結峰 音峯

恬 反徒
下音

黠 反閑
八音

妬 下上
俗正

作 反
如

訓 奇
認 反

幼

